





幔亭集卷之三

長安  
振錄  
西

陳吉  
寧  
藏書

閩中徐燧惟和著

友人陳薦夫幼孺選

王若相如編

七言古詩

帝京篇

文皇定鼎都燕薊三輔黃圖誇壯麗九重宮闕  
何嵯峨百二山河咸拱衛五鳳高樓逼太清六  
龍御宇泰階平臙臙曉日升金闕縹緲紅雲擁



玉京玉京金闕倚天開  
隱隱鑾輿復道來  
雲迷翠憶依龍袞  
露滴金莖泛羽杯  
平明長樂鐘聲響  
九天日月開  
僊仗豸史臺  
中曉聽烏虎賁階  
下朝鞭象月照彤墀  
環珮齊風生青瑣  
旌旗颺高臺  
突兀比章華  
上苑紆迴同博望  
我家京洛何煌煌  
山河錦繡軼隋唐  
髻髮文身俱稽顙  
雕題黑齒盡梯航  
三載公車計偕吏  
嚴樂鄒枚乘  
傳至黃紙承恩金馬門  
綠衣錫宴慈恩寺  
勅賜當街上五花金鞭  
管絃更堪誇市中  
春色濃如

錦身上官袍  
爛似霞  
妝臺舞榭層雲重  
粉白蛾黃  
燕皓齒  
怙寵翻令女伴憎  
承歡却得天顏喜  
更有中涓美少年  
朱顏白哲珥貂蟬  
當筵解唱霓裳曲  
出直常揮碧玉鞭  
一代豪華稱戚里  
面天轉日誰能比  
薄暮酣歌闔闔門  
平明取醉新豐市  
繁華三五上元燈  
蜀錦吳綾結作棚  
任從玉漏催銀燭  
不顧銀河轉  
玉繩馬上佳人金絡索  
筵前公子玉壺冰  
懸得華燈燈七寶  
構成綺閣閣千層  
中宵露冷羅衣濕  
姣童兩兩當筵立



夜永寧愁鳳腦殘寵移豈顧龍陽泣侯家繡柱  
王盤龍朝朝鼎食奏歌鐘翠翅金鳳三千隊畫  
閣雕闌十二重繡枕春宵開茵苔羅幃夜月絢  
芙蓉五侯七貴豪華客油壁香車過柳陌花前  
調笑片時春百萬黃金輕一擲春風日日恣遨  
遊北里南隣樂未休玉顏到處堪廻轍珠箔誰  
家不上鈎青錢多買醉紅袖暗藏闔投來青玉  
案費盡錦纏頭蹁躑紅袖人如玉豔舞嬌歌歡  
不足琥珀深杯醉玉樓珊瑚寶樹羅金谷灼灼

桃花兩頰紅娟娟柳葉雙眉綠愁縈素水遠重  
重夢繞巫山高六六王孫公子好遊閒往來射  
獵向西山驅將鷹犬垂鞭去射得狸帶箭還  
允衢二市相迤邐車塵白日連天起六郡良家  
盡錦衣四方賈客多統綺錦衣統綺競豪奢結  
俠追歡意氣賒論交半是蕭朱輩托命多於荆  
李家華堂宴會春風繞一派弦歌聲嫋嫋香氣  
頻聞寶鴨薰漏聲忘却銅龍曉春來春去自年  
年聽盡笙歌與管絃但知芳草春風滿誰識鶯



花歲序遷自古奢華豈能久轉眼紅顏成白首  
往日堂前羅異花于今門外生衰柳世事悠悠  
未可知桑田滄海須臾期金張許史今何處富  
貴驕奢空爾爲

聽鶯曲

條風淡蕩春將半倚欄忽聽鶯聲亂竹綿蠻  
別樣啼透林靦睨相呼喚相喚相呼不住聲聲  
聲偏動冶游情王孫載酒青樓醉美女尋芳紫  
陌行青樓紫陌春風徧一種嬌聲千萬變彷彿

秦箏出谷聞依稀羌笛隨風轉秦箏羌笛韻悠  
揚幾處歡娛幾斷腸閨中少婦悲征戍路上行  
人憶故鄉故鄉眇何許鶯聲何太苦征戍隔遠  
陽聞鶯空自傷鶯來鶯去自年年聽此啼聲倍  
可憐百年愁鬢聲中改九十春光舌上遷莫嘆  
韶華如轉轂愛鶯且賦聽鶯曲但得長聞柳外  
聲何辭頻進杯中醪

送遠曲

津亭下葉紛如雨客子遠游何處所悠悠一別



無還期相對悲啼不能語此去山中經幾萬勸  
君惟有加餐飯須臾分手各東西猶聽前林征  
馬嘶

別離曲

絲韁白馬黃金勒僕御門前苦促逼叮嚀握手  
暫躊躇欲住須臾竟不得心知此別無還期猶  
問君歸是幾時心知此別書難寄猶問征鴻何  
日至爲君整轡君上鞍頻頻勒馬回頭看無情  
馬足如飛電路轉橋回君不見歸來淚閣雙淚  
垂此身誤嫁遊俠兒

寄衣曲

流黃機上鴛鴦錦明滅踈燈照孤枕空閨冷月  
自娟娟絕塞金風何凜凜起視明河漏已殘沙  
場遙望路漫漫羅幃錦帳人何在毳幙氊裘地  
更寒手剔殘燈取刀尺製得征衣寄征客去年  
寄去無回音此日無由識寬窄寬窄如今未可  
知幾回欲剪又遲疑金刀未下腸先斷弱線初  
縫淚自垂淚垂點點俱成血污在征衣不能滅



殷勤爲拭衣上痕恐令孤客添愁絕掩淚裁衣  
遠寄將妾身不及此衣裳衣裳猶得親君體賤  
妾空居天一方

汲井曲

銀床斜壓梧桐井牽動殘絲五色綆臂捲羅綃  
寶釧高波凝玉乳金瓶冷沈沈鴨綠浸鴉黃轆  
轤一聲愁斷腸碎光搖動闌干濕草根滴露陰  
蛩泣

秋夜曲

畫幕含春度清吹高燒絳蠟金盤膩銅龍滴露  
夜聲沈老兔崩雲秋影墜銀箏斷續檀槽語紫  
霧迷濛罩金縷蟬衫麟帶委羅屏枕花濕透巫  
峯雨牽絲曉井啼烏急寒蟄吊月香蘭泣紅光  
漸射菱花臺又拂嬌娥寫春碧

老将行

老夫元是良家子少年流落戎行裏能將一劍  
淨胡塵幾入重圍身不死纍纍金印肘間懸塞  
上馳驅五十年已羨功勳載盟府久看姓字書



燕然一朝謝病歸巖壑門外蕭條可羅雀身經  
百戰未能鍾猶向人前誇矍鑠寶劍年多鋒鏑  
銷櫪中老驥鳴蕭蕭戎衣掛壁成塵土舊日紅  
旗顏色凋一自投閒經幾載請纓壯志還應在  
遙望沙場願裹屍猶思銅柱標炎海黠虜今年  
來犯邊連營烽火通耳泉多少材官俱束手無  
人賈勇能登先將軍聞此氣勃勃目眦裂盡冠  
衝髮便往投書獻至尊雄心誓欲吞胡羯據鞍  
顧盼出轅門垂老還堪報主恩但令此去清沙  
漠不管金鎗臂上痕

北邙行

洛陽城外邙山麓舊鬼哀呼新鬼哭黃昏觸髑  
作人語白晝烏鴉攫人肉新墳古塚爭嵯峨世  
間人少北邙多北邙山中松柏樹聽盡車前薤  
露歌人生處世多辛苦賢愚貴賤同坏土不如  
歸去學還丹冊成白日生羽翰

結交行

酌君金兕觥聽我結交行  
結交只結面三



平酒酣拔劍多意氣死生患難世  
酒醒各東西此情使已生同異結交  
可惡人情反覆誰能知笑談各已藏矛戟  
對面真如隔九疑君不見陳餘與張耳當年勿  
類徒然爾人不見鮑叔與夷吾手執相刃能有  
幾位階多生說浪間則則起在刀錐裏翟公賓  
客竟如何一旦門前張雀羅田文座上客常滿  
一朝失勢皆分散結交行難重陳世途處處皆  
荆棘今朝相別且飲酒明日悠悠行路人

猛虎行

樵採當荒郊林臯猛虎聲咆哮欲往避之日在  
崦嵫曠野啼鴟鴞四顧徬徨而股栗猛虎張頤  
展爪撲人食余告虎吁嗟麟兮不食生物踐生  
草爾虎白額斑狸而黑文貌豈不如麟胡爲不  
仁而撲我猛虎前致詞我虎居深村飢來嚼牛  
羊嚼不足方思嚼人肉人居城市與人伍  
撲食同類何可數誰言虎猛能啣人世人之猛  
過於虎



俠客行

兩人市中相耳語欲報深讐誰敢去壯士聞之  
氣鬱陶平生俠烈同荆高髮上指冠淚如雨借  
問君讐言在何許一劍朝辭都市傍素車直指邯  
鄲路刺殺讐人函首歸爭看頸血猶沾衣主人  
欲奉千金報問以姓名終不告辭君躍馬出都  
門君但報讐毋報恩

去婦詞

紅妝洗盡顏憔悴一片愁心幾行淚良人重色  
輕別離舊日恩情頓相棄含悲含怨出深閨宛  
轉躊躇更慘悽枝頭鹵蕒分連理枕上鴛鴦散  
並棲鴛鴦鹵蕒歸何處十載綢繆今別去往事  
翻同墜井甌餘生却類飄風絮憶昔當年初嫁  
君明璫翠袖紅羅裙帳開綺閣連宵月夢遶巫  
山一段雲荏苒光陰如轉轂人情日久多翻覆  
薄命從來怨玉顏嬌姿一日辭金屋萬轉千迴  
不下堂悲啼那忍別姑嫜君恩似水終難返妾  
意如膠詎敢忘心知別去難重見手把君衣苦



留戀此生無計入君家芳魂願化孤飛燕

築城詞

丁夫抱杵城頭築朱顏少婦城邊哭哭聲未絕  
城已崩無數丁夫遭殺戮殺戮丁夫就此埋半  
爲黃土半人骸長城未畢山東亂四海紛紛歸  
楚漢吁嗟呂政胡爲乎亡秦未必真強胡

古戰場

漢家將軍猛如虎手執長戈身破虜白首從征  
恨數奇可憐性命輕如羽鼓聲死兮寸絕絃浪  
奔鼠竄無行伍良家百萬試鋒鏖枯骨如山委  
黃土燐火星星點白楊黃雲漠漠依邊樹千載  
猶聞戰血腥夜深不禁啼猿苦魑魅山魈當路  
號哀聲長隨黃昏雨遊魂難返玉門關怨魄年  
年成杜宇

古別離

君身如車輪去去無迴轍妾淚如井泉涓涓滴  
不竭歡愛能幾時傷哉此離別蕭蕭征馬向人  
嘶欲別未別心慘悽深閨不識天涯路但向門



前看馬蹄送君試折長堤柳立馬躊躇豈能久  
明年柳發今年枝還記今年送別時

### 征婦怨

今年賊陷臨洮府殺死官軍何可數征夫塞外  
骨成山少婦閨中淚如雨死生消息總難知欲  
往招魂又自疑機中幾度聞嘶馬又恐夫歸投  
杆下

### 廢居歎

東隣敗屋西隣鎖殘柳蕭蕭鬼火其其  
今日衰空堂白晝居狐狸子孫流落不知處歲  
久荒涼誰敢住井涸池枯龜絕烟寒蟹四壁啼  
秋雨當時宅中歌舞人于今已化北邙塵

### 古怨

當時初嫁君貌比楊花好今日與君離貌比楊  
花老楊衰能再榮妾貌終枯槁君如記妾舊容  
華但看明年楊白花

### 綠珠詩

盤龍洞口雙蛾翠玉唾流香脂粉膩三斛明珠



艷質歸千重錦障秋波媚玉笛聲寒響斷雲鳳  
釵蛟佩舞明君光生鳳蠟春厨煖香肩龍鑪夜  
閣熏曲曲鸞喉歌懊惱紅顏不向青銅老寶砌  
苔痕蝕百花名園梓澤生秋草一死難酬衛尉  
恩鬢雲斜墜玉鈎翻碧莎黃土碎香骨朱樓白  
日啼妖魂澗中金水流嗚咽半寸珊瑚千點血  
麝氣春凝柳絮絮風珮聲夜泣梨花月

代閨人答輕薄少年

妾本燕趙姿委身事君子憶昔深閨私語時指

天誓日日同生死一朝執戟赴長安彼此恩情隔  
萬山經年去住無消息何處留連不肯還聞君  
日日耽游冶蹴踘鬪鷄兼走馬醉裏常拋金彈  
丸往來碎却珊瑚把自矜豪俊又繁華白萬黃  
金散狹邪昨宵趙女顏如玉今日燕姬色似花  
如花似玉爭歌舞歡娛豈識淒涼苦樓上朝朝  
望白雲枕邊夜夜啼紅雨流年青鬢嘆蹉跎冷  
落深閨可奈何捲簾忽聽鶯聲老又是春光一  
度過



王震甫以王叔明山水見貽荅謝

王生嗜古元成癖古今圖畫如山積壁上時時  
烟霧飛案頭隱隱生泉石吾聞勝國有王蒙  
青綽有巨然風幽溪細路已盤曲烟嵐樹木何  
菁葱此圖珍秘幾年所厭者不求貪不與知余  
夙有卧遊情一旦披圖便相許奚奴捧送神飛  
翻山齋賞鑒忘朝餐焚香拜謝君賜照乘明  
珠未是恩

題賓月樓空江秋笛二卷後

余偶得前輩陳伯煇鄭孟宣家藏二卷皆洪  
永中海內名公之筆剝落者過半矣然殘金  
斷壁自足爲寶乃合裝一卷而作此歌

爨下有焦桐柯亭有枯竹何期得遇蔡中郎一  
取爲琴一爲笛中郎已死知音稀每有奇物誰  
能知汨沒泥沙棄水火令人徃徃心傷悲國初  
至今二百載其人與骨今安在二圖淪落在人  
間墨跡依稀猶未改吾鄉陳伯煇鄭浮丘兩人  
前輩稱風流坐賓樓上三更月吹笛空江萬籟



秋名公詩句題應徧畫圖瀟灑尤堪羨恍若笛  
聲江上聞尚疑月色樓頭見當年棄置廢麓中  
蠹魚蝕盡塵埃蒙余偶得之發大叫心顏怡悅  
開雙瞳吁嗟乎奇物顯晦自有數豈但柯亭之  
竹嶧山桐

贈歌者

習家池上春晝長主人愛客飛羽觴梨園子弟  
紛成行少年白晢稱陳郎何晏之粉荀令香技  
掩秦青音逸梁翩翩廣袖能迴翔脩眉高髻內  
家粧月中一曲舞霓裳輕敲檀板按宮商填令  
四座生輝光蘇州刺史空斷腸奈何與子非一  
鄉安得相從樂未央人生及時須徜徉莫令兩  
鬢生秋霜

題王崑仲畫障

寒流瀰瀰瀉石壁嚴霜剝樹枯榦瘠鬼斧劖石  
江滄蹲怒蛟吹水奔濤逆鼉鼉狐魅晝攫人叢  
林灌木無行跡我覽生絹毛骨寒披索枯腸動  
吟魄



采真篇送林叔度遊鴈宕

壺山烟客持玄錄，凌辰御氣僊。山麓星冠七葉，芙蓉顏螭衣霞佩。仙家服辭家，將作采真遊鴈宕。山中訪靈族，踏斷遙空一線虹。歷徧洞天三十六，雲爲御兮風爲車。駕青虬兮參白鹿，蓬瀛弱水豈微茫。圓嶠方壺堪借宿，祇從縣圃饌瑤芝。不向人間希辟穀，知君名姓注仙班。聊贈雲璈歌一曲。

送柯秀才還莆

逢君何太遲，別君何太早。朝發越王城，暮指壺公道。壺公山色凌青天，雲霧蒼茫暗玉鞭。匣裏祇存馮子鉞，杖頭猶挂阮生錢。餘錢歸去堪沽酒，醉後新詩三百首。賦才元不讓三都，何恤紛紛譏覆瓿。人生知己古稱稀，此去何人薦陸機。秋風已就圖南翮，看汝扶搖天際飛。

述遊篇

去年仲冬東行李，掩淚辭親赴燕市。今年五月將中旬，方能稅駕歸田里。中間辛苦難具陳，萬



里風波愁殺人從來痛定纔思痛回看往事徒  
沾巾閩溪山水何太惡水似瞿塘山劍閣仙霞  
嶺上氣不平黯淡灘頭膽將落浙中水淺舟易  
膠蒼頭牽纜如傴僂一日才行十數里舡前兀  
坐空百憂歲除才到雲陽下縣官正閉奔牛埧  
停舟三日不得行關吏相逢便相吃楊子長江  
天際流江豚吹浪神龜浮長年挨舵神色喪可  
憐身世同輕漚黃河之水名九曲由來舟楫愁  
傾覆石尤風急水奔騰隔江少婦將兒哭北方  
景物更荒涼滿目黃沙古戰場瘦馬驅馳髀肉  
損酸風射眸肢體僵馳馬衝寒過涿鹿四郊倏  
忽飛滕六千山萬徑少人行暮抵良鄉無處宿  
長安上策不見收百金用盡存貂裘難從北闕  
操齊瑟猶戴南冠學楚囚男兒致身苦不早驅  
車復出長安道風景蕭條倍去時塵土侵人顏  
易老三吳兩浙競繁華此際令人轉憶家歸家  
幼子牽衣泣髮衰面黑咸咨嗟奔走天涯過半  
載歲月無情不相待人生得志在丘園何必飄



零寄湖海行路難空悲酸世情反覆同波瀾有  
璞莫向王庭獻有鈇莫向侯門彈笑殺劉蕡空  
不第且將高卧學袁安

石溪歌贈林隱君

南劍有溪名君竹脩竹蒼蒼溪水綠中有幽人  
號石溪誅茅壘石溪之曲溪流日夜聲潺湲幽  
人嘯傲石溪間石可枕兮溪可漱富貴浮雲真  
等閒幽人今年八十幾足跡何嘗到城市台台  
嘯月遇崆峒青嶂眠雲夢黃綺憐余本是武陵  
人欲向溪頭一問津桃花好逐溪流出世上如  
今不是秦

瞻鳳歌爲張叔弼賦

叔弼父號鳳山鳳山者長溪之山也嘗繪圖  
以當卧遊及父卒而圖亦失去者二十載叔  
弼後復得之携入燕吳楚越間求名公長者  
紀其事以致追輓之意濫及小子燭燭不敢  
辭也爲作瞻鳳歌

長溪山水奇鳳山幻靈境重岡疊嶂自迴環萬



壑千巖相掩映中有畸人號鳳山時時長嘯此  
山間彩雲明滅元堪覩梧竹蕭森更可攀一朝  
跨鳳歸仙府丹崖翠壁空塵土遼鶴千年去不  
歸慈烏夜半啼聲苦篋裏惟存一畫圖忽然飛  
去胡爲乎延津無處重尋劍合浦何期更得珠  
帝憫諸孤懷怨慕五丁曾遣相呵護神物由來  
不久湮珠還劍合仍相遇張生得此喜還悲陟  
岵興歌淚滿頤幾迴欲擬招魂賦到處曾未薤  
露詩此物遺亡二十載迄今精爽還應在千仞  
猶疑覽德輝九苞彷彿增文采諸子山中日夜  
號鳳山依舊倚天高不湏人世悲麟喪還羨君  
家有鳳毛

### 王生行

王生少負耽奇癖落魄風塵人不識秬從湖海  
恣遨遊羞向人前嗟厄塞胸中神識一何奇儒  
雅風流應在茲篆隸由來追史籀時時復作無  
聲詩城西一室大如斗室中奇物無不有花鳥  
圖書可自娛樽壘燹鼎傳來久賞鑒能同張茂



先翩翩意氣更堪憐胡琴劈碎寧論價古劍酬  
人計錢與余傾蓋稱莫逆問奇肯過楊雄宅  
竹裏酣歌任往來花間嘯傲忘朝夕朝夕相從  
酒一樽交情如此君毋諼但能博物復飲酒世  
事悠悠安足論

赤巖吟爲大田令謝君賦

劍潭之東多石壁四面巉岈如火赤開闢至今  
千萬年巖前蒼鬱皆蓬蒿上有嵯峨萬仞之丹  
梯下有滂浚千頃波流碧山魃罔兩盤其山虎

豹豺狼據爲宅任是推蘇日往來豈識岩中有  
奇蹟岩中奇蹟人不知可憐空使山靈悲誰能  
鑿破混沌竅攀蘿附葛相追隨謝君本是探奇  
客年少鳴琴宰岩邑每學盧敖汗漫遊登臨折  
盡東山屐披蓑燃炬入岩中猛獸山妖都辟易  
萬年靈秘一朝開懸岩絕壁何奇哉一聲長嘯  
翠微頂頓使延平潭裏白日生風雷構將臺謝  
連雲起浮屠屹立層霄裏獨向岩前望九垓百  
二關河如黑子吾聞神州三十六洞天此赤巖



今胡爲乎不傳徐生披圖學宗炳案頭隱隱生  
雲烟願得借君一葦過劍浦題詩刻石岩之巔  
岩巔墨蹟永不毀鄒嶧之碑廼可擬吁嗟乎山  
川顯晦自有時世間何物無知己

賦得易水寒送人遊燕

燕山嵯峨易水流北風吹水聲颼颼荆卿驅車  
不顧返仗劍欲報燕丹讐可憐燕恥猶未雪壯  
士衷腸空激烈千年往事水猶寒蕭蕭壯髮能  
衝冠麟君故是荆卿比翩翩俠氣橫燕市擊筑  
還過易水濱一聲長嘯悲風起

過鄧汝尚別墅

一區別墅東山曲幾片青山隱茅屋門前垂柳  
覆清溪屋後長松亞脩竹寂寂衡門無俗喧主  
人留客烹雞豚衣冠朴素禮真率依稀如入桃  
花源彈棋擊劍復飲酒世上浮名竟何有君今  
蹤跡已青雲我也棲遲甘白首與君相對歡且  
悲人生會合能幾時恐君作吏風塵去此地開  
尊更有誰



寄閔壽卿山人

去歲逢君浮玉山江風颯颯吹離顏今歲重過  
楊子渡烟波咫尺難相遇鐵甕城頭一喚君江  
聲洶湧那能聞寸心強對南徐月雙眼徒瞻北  
固雲此生應嘆交歡淺日日思君長展轉幾回  
飛夢到君傍江水茫茫空斷腸

破鏡行爲陳大賦

美人有寶鏡價值千黃金曾與郎君同照影又  
與郎君同照心一朝分散如萍梗此心雖同不  
見影金刀剖處鸞鳳分十年蹤跡不相聞可憐  
兩人持一片此生何處重相見勸君對此休自  
悲神物會合終有時

冬夜同女翔振狂在杭集女大山齋

玉衡指東露華冷朔飈暗度梧桐井張檠亂詭  
開雙頤銅龍咽漏宵將丙僕御執炙兼進卮筋  
力跛倚神俱疲客眸耿耿若巖電搜腸嘔肝斷  
鬚髭五人同騁談天口隔墉魑魅踉蹌走揮手  
出門天宇昏沿衢木柵懸燈火着霜砭肌心惻



悽輓輶聲斷金井西解衣匍匐登味漉四隣咿  
喔啼天雞

贈胡外史

錢唐風景真奇絕吳山蒼翠湖光白山川靈秀  
萃何人之子飄然自高格生來蹤跡厭塵埃湖  
海狂遊亦壯哉振衣頻陟雲龍頂仗劍曾登戲  
馬臺燕秦楚越行皆徧又泛扁舟過海甸九鯉  
湖邊信短筇武夷山上開華宴遊興年來尚未  
央溫陵劍水復清漳二秋石鼓簪黃菊五月楓

亭摘荔香羨君懷抱何瀟灑知君不是悠悠者  
世路由來遇合難風塵莫怨知音寡伊余癖性  
好遨遊與子交驩幾度秋春風竹外頻來往夜  
月花間遞唱酬唱酬來往情偏好漫把交情同  
草草囊裏無錢休嘆嗟尊中有酒須傾倒胡生  
胡生何太奇余每談詩君解頤自堪意氣稱吾  
黨不但前身是畫師

贈王少文

王生今年纔十幾籍籍香名滿人耳已詫文章



瀉大河更誇神骨澄秋水目下三行腹五車志  
如鴻鵠書龍蛇遨遊竟日車多果爛熳千言筆  
有花羨子襟懷何卓犖羨子高談何嶽嶽五色  
爭看鸞鷲文片言能折充宗角日來相見即相  
歡同心臭味如金蘭高才豈復論長吉年少還  
應陋子安莫笑相逢頓倒屣如此寧馨誰可擬  
堪嘆茫茫宇宙間眼中之人惟有爾

九日懷惟起弟客吳

去年九月客吳門憶汝淒涼欲斷魂今年汝作  
吳門客一望關河千里隔我家兄弟大參商歲  
歲年年俱異鄉夢迴閩海風塵遠目極吳門匹  
練長秋風颯颯秋光老登高望遠傷懷抱天涯  
遊子滯還期籬下黃花爲誰好

蜀道難送王震甫之臨邛省刺史兄

蜀都本是蠶叢域古來元不通中國秦帝金牛  
計太奇五丁費盡開山力鬼斧神功山爲開懸  
崖絕壁真奇哉灑灑瞿塘水勢猛波流日夜聲  
喧豗中有畏途稱劍閣羊腸鳥道山形惡天梯



石棧度偏難鬼見爲愁蛇爲却猿狖呼群接臂  
行山魑野魅作人聲愁雲慘淡日無色行人此  
際難爲情蜀道之難已如此臨邛險惡尤無比  
風俗由來似吐番州城半遶平羌水君家伯氏  
賢大夫五馬蹀躞專城居幾度經過九折阪寧  
爲叱馭無迴車閩蜀山川何隔越尋兄萬里堪  
愁絕七首長飛象耳雲馬頭幾看峨眉月于今  
西北正烽烟羌笛胡笳聽慘然中宵起坐腸空  
斷客路思家淚欲連蜀道之難應莫嘆長途惟

有加餐飯鷓鴣原上正相思勸君休起鄉關恨

送陳明府應召之京

冶城八月秋風起仙吏驅車入帝里白叟黃童  
擁道周攀轅卧轍情無已一官閩海幾年餘漢  
室循良更孰如魯恭政簡能馴雉羊續官清不  
受魚聲名久已聞天子璽書召對明光裏滿縣  
穠桃爛熳似霞半肩行李清於水新秋乘傳到長  
安五色花驄獬豸冠幾多狐鼠爭投竄當道豺  
膽自寒酌君酒與君別寇君難借空嗚咽至



坐拱問蒼生但道江南民力竭

江上荅客傷王少文

咸江頭同送客江水茫茫江月白今歲江頭  
客歸問君動定空沾衣別去光陰纔一載可  
所世事須臾改當日江間折柳人于今枯骨知  
何在客子聞言雙淚垂君亡不待余歸時訪君  
不入君華屋日伴孤猿墳上哭

七夕曹能始宅上觀妓

涼風吹動黃姑渚正值牽牛逢帝女一年佳會  
阻星河數刻交歡罷機杼主人留客當今宵鳴  
箏少婦紅羅綃嬌聲宛轉鸞鳳曲媚眼低回烏  
鵲橋引羽流商歌愈緩玉繩漸落明星爛履墜  
箸遺樂未休鐘沉漏盡愁將旦臨別殷勤贈七  
裏秋宵雖短此情長燭龍已駕扶桑曉天上人  
間兩渺茫

建溪逢游宗振

與君神交今十載彼此飄零隔湖海擊筑應難  
逢漸離鼓乃何處尋朱亥余也今年過建溪君



方彈鋏居城西客裏相逢發長嘯飄飄吐氣凌  
虹霓憐君橐中無所有猶解餘錢去沽酒肯將  
蹤跡落紅塵自許交情同白首世事悠悠嘆二  
毛燈前相對兩綈袍須臾酒盡東西去江上潮  
平月正高

同游宗振陳伯岑集陳季迪齋中

六月溪行苦煩暑日暮維舟向江渚乘興行歌  
訪故人科頭跣足花間語花間相對忘主賓驩  
呼無異平生親今朝潦倒齋頭客明日飄零江

海人

西甌道中寄荅伯孺病中見送之作

故人卧病空皮骨精氣銷忘神恍惚枕上猶於  
筆硯親題詩送我游京闕詩來字字皆悲辛半  
嗟疾病半嗟貧况兼離別情思惡空令游子重  
傷神三疊離歌聲太苦幾度哀吟淚如雨君方  
貧病類相如我也飄零同主父行色匆匆一夢  
間無由賦別六溪灣空流萬里窮交淚未識經  
春衰病顏一別山川成隔越懷人長對天邊月



于今枚叔更何人能向君前談七發

西湖飛來峰歌

我生性愛游名山黃冠布褐常躋攀一丘一壑  
稍險恠徃徃大嘯開心顏此峰幽邃稱奇絕何  
處飛來忘歲月自是神靈運化工誰將鬼斧施  
剜削山形突兀又玲瓏懸厓陰洞遙相通紅泉  
滴瀝歸深澗碧磴岩堯接太空森羅青壁如屏  
障窳窳縈紆非一狀岩下時喧萬壑聲石間盡  
刻諸天像翠色遙飛九里松白雲長出兩高峰  
冷泉露下澄清溜靈隱風高送暮鐘我到山中  
歛還涉駭目驚心勞應接奇蹟應誇天下無仙  
都自與塵凡別洞門吟眺欲斜暉坐破蒼苔未  
忍歸幾片寒雲生杖屨半林微月照僧衣殷勤  
記取歸時路日暮雲深不知處由來造化妬神  
奇只恐飛來又飛去

靈隱寺尋耶溪上人

浮玉山中曾把臂風景依稀如隔世常歎空門  
無定蹤此生何處求真諦秋風一掉過錢唐聞



說吾師在上方扶杖入山恁相訪靈隱寺中松  
隱堂方鞋破衲出相見恠我年來華髮變相逢  
不作世間言指點前山雲幾片半榻跏趺雙樹  
邊笑談隱隱生雲烟論交共結三生約出世同  
叅一指禪新詩別後多如此總是禪機非綺語  
勝地何須論虎溪高風不用推支許須臾殘照  
下雷峰送客松關第幾重悠悠此別何時遇愁  
聽雲堂薄暮鐘

飲黃白仲娑羅館兼柬屠緯真使君

主人避客棲空谷長日柴門稀剝啄我來欲證  
大因緣袖中片刺煩童僕倉皇倒屣出相迎青  
眼相看無世情狂來叱咤千夫廢醉後雄談四  
座驚吾曹本是玄都客當日何因酒過謫行滿  
何須戀世緣功成依舊歸仙籍色相由來非我  
身凡夫誰識有真人片時結構成爐鼎一粒玄  
珠守谷神仙師授我還冊秘逢人豈敢輕開示  
能將神氣返虛空自有靈光照天地黃白仲屠  
緯真暫時蹤跡落紅塵何時打得虛空碎同出



青天駕鶴輪

吳門尋沈從先不遇

當年踏徧吳門路十日尋君不知處年來蹤跡  
雖相聞隣人又道移家去閶闔城中多路岐異  
鄉客子那能知東尋西訪竟不得惟有殘月相  
追隨幾迴欲向朱門問知君不與朱門近欲向  
紅塵問故人知君寄跡非紅塵行盡朱門兼白  
屋夜深空作窮途哭出城昏黑迷歸舟滿天風  
露江干宿

七夕詞

遙天萬里銀河碧雙星却咲孤眠客玉露金風  
半夜寒羅襦繡幕千山隔天上人間共此宵天  
孫翻近美人遙應知樓上蛾眉女妬殺空中烏  
鵲橋

題畫馬扇面贈陳幼謙

真龍產自于闐國促腕高蹄稱汗血顧影驕嘶  
赤電生過都歷塊紅塵滅此物何年入漢家  
昔作貢過流沙天閑不羨乘黃選內廐寧論白



鼻騎扇頭一見生驚詫貌出權奇更高價已識  
雄姿勝渥洼况看妙手驚曹霸吁嗟此馬今豈  
無安知櫪下非神駒九方不作孫陽死世上于  
今只按圖

孝友堂慈竹歌爲張穉通賦

主人家在茗溪曲不種奇花種脩竹客來看竹  
問何名主人竹下吞聲哭自言此竹生質奇不  
產終南非嶰谷物性能同慈母心龍孫愛護知  
寒燠誰移此竹種庭階老母當年手自栽已

翠色凌萱草白有清陰覆綠苔老母辭堂今幾  
載此竹青青猶未改黃土年來上板輿紅塵久  
已生萊絲可憐母逝竹空存見竹還思慈母恩  
主人一語一嗚咽座客聞之皆斷魂從今品竹  
脩新譜不獨湘江有淚痕

題顧長卿小影

郎君年少稱高格髮未勝冠纔覆額同誇秀骨  
邁凡兒已有雄文驚座客此日重披舊畫圖神  
情雖是容華殊揮毫寫照方童稚轉眼相逢成



壯夫悠悠歲月催人老人生顏色難長好休將  
青鬢度年華自致雲霄須及早

分得黃金臺送屠田叔轉運使京

燕山日落悲風起百尺高臺留故址  
蒲地狐蹤丘隴間千金馬骨荆榛裏  
至今行客說燕昭愛士高風久寂寥  
侵階碧草空留色翳土黃金已盡銷  
我家定鼎都燕薊正是黃金臺上地  
萬里星槎上漢來諸侯露冕朝天至  
臺前賢士集如雲柱笏彈冠謁聖君  
陽氣自生吹黍谷英雄豈說樂將軍  
屠君擁傳辭閩海自有高才輕郭隗  
休歎鹽車上太行何須吊古登寒壘  
至尊久席正求才太室明堂日日開  
白壁虞卿先拜賜黃金寧用築空臺

題劉松年溪閣納涼小景

誰家亭館臨溪渚四面蒼崖夾平楚  
樹色溪聲白晝寒行天赤日無炎暑  
賓主相看禮數忘筆牀茗椀對鑪香  
圖中清福難消受願借虛亭半日涼



題高漫士晚閣溪雲圖

主人愛溪還愛雲去年走謁武夷君九曲溪流  
太清泚千峯雲氣何氤氳幔亭得預會孫宴歸  
帶白雲千萬片天風倏忽下蓬瀛吹散長空成  
組練漫士何年寫此圖一溪雲氣長模劔恍疑  
接筍峰前見還記天游頂上居一別溪頭峰六  
六經年不舉看雲目願學宗生作卧遊畫圖一  
見心能足

題春山暎雨圖

元章不作房山死誰寫雲山縑素裏耳畔如聞  
滴瀝聲眼中似見嵐烟起濃雲朦朧樹無根澗  
水奔流野色昏竟日風霾渾失晝行人何處辨  
孤村畫圖如此雖堪惜莫貯囊中珍十襲只恐  
時時風雨來生綃一幅淋漓濕

送閔壽卿隱武夷

世人遊武夷徃徃思卜宅一出清溪謝白雲山  
靈無計留雙屐始信人間事可哀幔亭佳宴不  
重開浮生只愛紅塵老人世難逃白髮催憐君



棄家經幾載服食還卅顏未改已識仙都註有  
名尚疑遺蛻函猶在自入閩天誓不還因緣合  
在武夷山獨携一杖千峰裏閒放孤舟九曲間  
此山元是神仙窟接筍天游雙翠峯王女粧殘  
峰頂霞金雞叫落灘頭月君今築室此中居永  
絕塵緣與世疎回視形骸同糞土能將神氣返  
空虛我也行年三十幾半生踪跡多城市入藥  
空燒九轉紅著書枉識關門紫海外徒聞更九  
州此身期伴赤松遊何時重預曾孫宴同醉仙

八十二樓

送俞本之山人還金昌

滿徑黃花桑落酒送客關門折衰柳涉世空懷  
失路悲干時自乏譚天口片刺侯門不得通桂  
薪玉粒哭途窮半年逆旅貂裘敝一劍飄然馬  
首東勸君休下楊朱淚客裏秋風易憔悴伏枕  
愁爲越國吟吹簫歸向吳門醉此日諸侯厭布  
衣可憐窮達世情非君歸莫嘆行裝薄多少空  
囊人未歸



憶昔行題友人小像

小年携手同行樂我甫勝冠君總角歲月悠悠  
去不還眼前風景猶如昨此日看君新畫圖神  
情雖是顏容殊所嗟童稚尚如此莫惟故人成  
老夫我也半生甘落魄君亦胡爲戀丘壑高舉  
猶懷鴻鵠心待時且作龍蛇屈舊事經今二十  
秋披圖空感昔時遊與君相見且飲酒莫遣青  
銅催白頭

都門送吳允兆還吳興

燕山三月楊柳新別酒一杯送故人故人仗劍  
意慷慨仰天大笑辭平津我唱驪駒君駐馬送  
君半是窮交者暮角淒涼起驛樓春雲慘淡生  
原野酒闌歌罷馬頻嘶千里征途望雪溪獨有  
王孫歸未得天涯空歎草萋萋

出都門答別鄧汝高員外

十年三上長安道闕下獻書俱不報拂袖還山  
別故人風塵滿目傷懷抱長安裘馬多輕肥先  
達何人憐布衣惟君慷慨念貧賤交情如此今



人稀淒涼舊事那堪數半榻孤燈寒夜雨載酒  
曾同醉錦溪看山猶記眠芳墅轉盼光陰十載  
餘憐余蹤跡仍樵漁空文何以干明主儒術由  
來生計踈余也今年三十幾依然落魄歸田里  
白首何妨老故園紅塵從此辭燕市拔劍哀歌  
日易昏垂楊未折已銷魂人生離別足感歎窮  
達悠悠何必論

途中感遇效同谷七歌

吾生本是踈狂客幾迴落魄長安陌棄置應慙  
骨相屯壯年自失干時策日驅羸馬口微吟仰  
天大笑乾坤窄嗚呼一歌今歌慨慷燕山六月  
飛嚴霜

二歌

歸舟歸舟黃河曲揮汗如漿苦炎燠水淺舟膠  
不得前逢人耻作窮途哭高堂慈母念子深倚  
閭此際枯愁目嗚呼二歌今歌慘切仗劍指天  
天爲裂

三歌



有弟有弟俱牛衣家徒四壁常苦饑燕閩相去  
道路遠別來一載音書稀知汝日夜望我歸夢  
魂常遶天涯飛嗚呼三歌今歌已短一領征衣  
淚痕滿

四歌

有姊已老有妹貧平生惟此骨肉親知余流落  
兼苦辛家庭悵望應傷神廿年蹤跡半道路平  
生壯志成灰塵嗚呼四歌今歌轉澁猿猱聲哀  
山鬼泣

五歌

老妻半世空糟糠少婦席未煖君床男年十五  
女七歲去年別我俱恓惶丈夫成名既不早胡  
然义居天一方嗚呼五歌今歌愈急朱顏燈下  
流黃濕

六歌

有朋有朋多窮交平生風誼如同胞揚雲拓落  
衆所棄數子不敢輕相嘲此日飄零勿復道與  
君矢志甘衡茅嗚呼六歌今歌且緩伐木聲殘



腸欲斷

七歌

遼左烽烟何太惡四海紛紛飛羽檄但見縱橫  
豺虎多何處哀鳴鴻雁集書生徒抱杞人憂中  
宵起舞空悲泣嗚呼七歌兮歌已終黃昏曠野  
淒寒風

彭城行

彭城半遶黃河水楚宮歲久生荆杞殺氣清秋  
暗戰場愁雲白日低殘壘楚漢當年幾戰爭暗

楚聲烏騅不逝虞姬死垓下歌聲成變徵百二  
關河屬漢家八千子弟徒爲爾霸圖百戰總成  
灰吊古還勞過客哀千載沐猴成一笑年深戲  
馬留空臺黃河日夜東流去荒城寥落悲狐兔  
世事興亡一瞬間英雄枯骨餘丘墓休將楚漢  
論雌雄此地曾聞唱大風試向咸陽城上望離  
離衰草滿新豐

黃節婦復明歌



黃氏母夫亡守志多辛楚血淚洒黃泉淚枯雙  
目瞽母目瞽兒心苦朝夕吮泔泔未愈母子精  
誠良可哀一朝忽爾雙眸開母目開父目瞑老  
淚依然滴孤枕

分得九疑山送屠田叔守辰州

楚都山水稱奇險突出高峰青九點天外巫黔  
路渺漫峯陰谿澗流深淺峯峯相間色參差無  
數青螺鏡裏窺變幻烟霞看莫辨滿天雲雨望  
堪疑重華當日巡南服駐蹕蒼梧窮地軸一夕  
龍髯上鼎湖數聲鸞吹傳空谷鸞吹龍髯去不

還湘江帝子慘朱顏愁眉久鎖峰前黛血淚長  
留竹上斑山色含顰望巡狩時時似聽簫韶奏  
飛瀑寒流到處奇丹崖朱洞天然秀瀟湘烟月  
洞庭雲遠岫聯綿一帶分鷓鴣夜叫黃陵廟孤  
兔秋悲虞帝墳古蹟荒涼不堪語果有帝烟兼  
嘯雨使君剖竹向荆門正近瀟湘洞庭浦有時  
行部擁雙旌定吊娥皇與女媧風前好薦瓊芳  
把月下如聞環珮聲九疑峰影何重疊峰下寒



帷勞應接懷古寧辭駐一麾搜奇不惜停雙屐  
搖搖桂權楚江濱嫋嫋秋風木葉聞遺我不須  
舉杜若騷成只待寄湘君

題盛行之畫梅卷

盛君畫梅太奇絕老幹如龍更如鐵筆底幽  
冷不徹蒲紙枯株三丈雪六月披圖身欲僵一  
堂坐客皆聞香就中先輩多評章佳者長沙之  
李東陽華亭張駿當時此物果誰有楊公成王  
揚州守公也珍之若瓊玖自謂此圖傳不朽子

孫棄之同敝帚百年竟落他人手峽水林君偶  
得之不惟愛梅兼愛詩猶記當初兵火時居民  
鼠竄家流離書籍圖書燹無遺此圖藏之高樹  
枝倭奴雖黠那能知淫雨沾濕寒風吹鬼神呵  
誰損虧吁嗟此圖亦已奇付與妙手重裝池  
千秋萬歲無離披千秋萬歲無離披

題薛晦叔小像

誰將練素開生面神骨如水目如電童烏文藻  
自堪誇洗馬風流今再見畫史揮毫未入神十



分纔得幾分真有時鶴擎行微雪人比丹青更  
出塵

題陳仕卿蕉雨亭

虛亭四面芭蕉綠疎雨瀟瀟聽斷續幾點啼殘  
屋上鳩數聲滴破隍中鹿洗盡紅塵翠色寒美  
人含淚倚朱闌題詩好趣初晴後醉墨淋漓濕  
未乾

題朱竹

根如赭虬髯葉如冊鳳尾有時截作釣鰲竿珊瑚  
亂拂桃花水有時擲杖化爲龍白日青天赤  
鱗起能將紅霧變蒼烟產在朱明幾洞天須臾  
絳節生彤管只向松間滴露研

陳伯孺兄弟水明樓春宵聽雨歌

我家有齋名綠玉齋前種得千竿竹君家亦有  
水明樓半畝方塘山影流君頻訪我鰲山麓我  
每尋君溪水曲與君來往十年餘到此樓中幾  
迴宿今春買棹來相尋峽江風起波濤深樓中  
賓主黯相對四山陰翳生淫霖簷前坐聽聲聲



甫聊把琴書供咲語燭盡猶然興未闌詩成自  
覺心相許瀟瀟風雨莫深秋百尺樓中且暫留  
憑君貌出巴山夜一幅丹青當卧遊

霞林樵隱爲梁逸人賦

山中一道明霞起照得林巒色俱紫初疑晴彩  
結爲帷還訝餘光散成綺林間彷彿見高標白  
日青天掛絳綃梁君霞外神仙客時向山中稱  
隱樵斧柯來往壺公谷伐得晴霞成幾束曉起  
常依洞裏行夜深祇傍岩邊宿檐頭挑得赤城  
歸却似桃花片片飛斫來自足山家業服處直  
成隱者衣殷紅滿目看如絢朝暮陰晴千萬變  
此物由來高可食願向深林求一片

美人買鐵馬歌和幼孺

瑤宮僊子遺環珮百結流蘇向空墜半天亂逐  
片雲飛無數琅玕一時碎趙壁隨珠半已殘重  
將彩線串團團良工持向街頭賣臨風忽聽聲  
珊珊珊珊送入妖嬌耳玉笋提携心暗喜探得  
青趺出錦囊買來挂在雕簷底一試微風一陣



聲笑人含笑聞琮瑋飄揚祗益春心動淒切翻  
令午夢驚銅壺夜靜催銀箭留得檀郎宿深院  
却愛隣姬睡午酣玳瑁莫向空中戰

題陳伯孺效漫士山水小景

龍門待詔高廷禮興到揮毫寫山水黯淡峰巒  
朦朧雲一生學得南宮體三絕聲名重昔時畫  
成題味墨淋漓總緣人品壓流輩以茲并重無  
聲詩流傳歲久蟲魚蝕半尺水絹難論值龍門  
去後墨池乾畫史誰能繼其跡陳子灣溪我輩  
人應疑待詔是前身一時詞翰推雙美點染雲  
山更有神滿目烟霞濃復淡複嶺重岡連斷岸  
偏于米老得風神難與龍門辨真贗歲月驚看  
忽十年燈前隱隱生雲烟詩成戲筆題其上留  
作人間寶墨傳

題馬遠山水

幽人野性耽空谷一簇葵花數竿竹磐石嶽崎  
出澗阿流泉湍激交林麓清宵露坐月光遲稚  
子文筇背後隨林下水邊無俗物既堪圖畫又



海詩

幔亭集卷之四

閩中徐 燧惟和著

友人陳薦夫幼孺選

王 若相如編

五言聲詩

咏古鏡

青銅器美質玄錫出良工  
剝蝕殉秦塚悲歡照漢宮  
挂壁菱花豔藏匣桂輪空  
佳人時拂拭莫使素塵蒙



咏百花畫帳

羅帷圖百卉宴寢自生香不羨雕欄艷猶如金  
谷芳嬌枝沾暮雨弱幹耐秋霜更有雙連理夜  
發合歡床

咏薰爐

鏡金呈麗飾長向蘭閨藝籠袖玉肌溫薰床珠  
被熱未夜焰常燃殘更芬不滅佳人夢乍醒枕  
畔添香屑

咏美人晝眠

金釵斜欲溜玉枕倦相依曹騰含媚眼展轉皺  
羅衣汗沾香粉膩幔隔黛痕微夢只縈閨閣不  
逐楚雲飛

咏美人理髮

犀梳流半月蟬鬢亂濃雲釵梁卸巧飾膏沐散  
餘芬垂肩遮寶珥委地拂羅裙新作盤龍結含  
笑問夫君

咏美人觀畫

國色看如畫丹青疑是真誰能分麗質各欲競



丰神江濱有兩艷下蔡見雙身只恐朱顏謝不  
及卷中人

題畫鶴

在陰胎化質縑素寫珍禽差池出玄圃淒切逐  
瑤琴凝霜時振羽警露有餘音乘軒雖竊寵終  
啣恩遇深

題畫鹿

畫圖呈瑞應靈物著天休浮江同濯濯呼侶各  
啣啣青莎騰或倚豐草伏還游蒼玄共受色選

算踰千秋

賦得欲咲翻成泣

悲欣無定態啼笑一時并粉痕歡眼注鉛水嫵  
容生兩犀方奮齒雙筋忽吞聲誰云射雉樂翻  
作泣絞情

七夕咏牛女

銀河低綵幔珠箔捲針樓星丸彈靈鵲雲錦幙  
牽牛歡憎今夕促淚續去年流何當延兔影長  
將鳳駕留



美人篇戲贈陳參軍

蘭夢方徵吉傾城得細君  
纖看眉上月濃愛髻邊  
雲聽琴猜斷索織錦辨  
迴文共誇新婦好真  
可配參軍

和陳參軍送客未還閨中有望

別雖無百里情亦似三秋  
薰香虛侍寢看月怯  
登樓心慵朝鏡掩望切  
晚妝留知君南浦淚不  
獨送人流

爲屠田叔太守新姬催妝

燈光滿九衢  
絃筦待名姝  
羞嗔夫婿促  
嬌倩侍兒扶  
鬢濃耀寶飾  
珮響按羅襦  
含顰疑有態  
歛色看成都  
欲泣聲先顫  
將行步復湏  
梁驚棲玳瑁  
枕怯索珊瑚  
除釵勞屢喚  
近帳費低呼  
情通呈臉暈  
語澁靜唇朱  
蘭膏薰卍闥  
香氣郁流蘇  
展轉動金釧  
綽約見冰膚  
使君今有婦  
五馬不踟蹰



竹田集卷之四 終

竹田集卷之四 終

竹田集卷之四 終



